

左龠外集
三

四十三

左倉外集目錄

卷三

春秋原名 二頁

司馬遷左傳義序例 廿一頁

書春秋繁露止雨篇後 一頁

公羊解詁誤字 二頁

達巷黨人考 二頁

劉向撰五經通義五經要義五經雜義辨 二頁

識緯論 四頁

法言李注非故本考 一頁

春秋原名

春秋制名之誼以左氏古說爲詳漢書律曆志述劉歆三統術云夫曆春秋者天時也傳曰民受天地之中以生所謂命也是故有動作威儀之則以定命也能者養之以福不能者敗以取禍故列十二公二百四十二年之事以陰陽之中制其禮故春爲陽中萬物以生秋爲陰中萬物以成是以事舉其中禮取其和曆數以閏天地之中以作事厚生皆所以定命也舊疏引賈逵說云春秋取法陰陽之中春爲陽中萬物以生秋爲陰中萬物以成欲使人君動作不失中也公羊疏卷一又云三統術云春爲陽中萬物以生秋爲陰中萬物以成故名春秋賈服依此以解春秋之義是服君說春秋名義與賈君同均祖述子駿緒言此左氏先師溯春秋制名之始也蓋歲有四時惟春秋適得陰陽之中故以春秋名史冊使人君顧名思義無失其動作之

中李貽德春秋左氏傳賈服注輯述曰欲使人君動作不失中者中卽天地之中動作之則所以定命卽不失中也玉藻曰動則左史書之此春秋之名所由立也師培案漢書藝文志云左史記言言爲尙書右史記事事爲春秋申鑒時事篇同鄭君注玉藻動則左史書之二語云其書尙書春秋其存者疏引六藝論云春秋者右史所記之制動作之事也右史記事左史記言是春秋爲記動之書也漢志六藝論申鑒異於玉藻者在於左右史所職互殊然所稱記事卽記人君之動作子駿言欲使人君不失中舉動不舉言卽以春秋爲記動之書舊疏又引賈逵說云周禮盡在魯矣史法最備故史記與周禮同名案此乃賈君申本傳昭二年韓宣稱春秋爲周禮之詞也然說與子駿互明子駿言以陰陽之中制其禮亦以春秋爲昭禮之書本傳隱七年書名例云謂之禮經亦其證也故春秋之旨欲使人君動

則不失中動作不失中誼符秉禮子駿之說蓋深得春秋周禮
同名之誼者也史記太史公自序云故春秋者禮義之大宗也
哀十四年舊疏引五經異義曰述春秋者云孔子作春秋春秋
者禮也殆亦本斯爲說又論衡正說篇論春秋云今俗儒說之
春者歲之始秋者其終也春秋之經可以奉始養終故號爲春
秋此蓋漢人嚮壁虛造說故王以俗儒相譏舊疏又引賀道養
說云春貴陽之始秋取陰之初其說尤誤不足據也

卷之六

司馬遷左傳義序例

太史公自序言年十歲誦古文又言爲太史令紬史記金匱石室之書古文者即古文尙書左氏國語之屬也金匱石室者漢代秘書所藏之所也漢代秘府有北平所獻春秋左氏傳及景武之際古文春秋經傳獲于孔壁亦爲秘書此皆史公所克睹者也故史公作史記均據春秋古經及左傳又當此之時賈嘉爲賈誼孫世傳左氏學

史記曰嘉世其家即世傳左氏學也

而史公與之通書

賈誼

傳

孔安國爲孔子之裔親睹孔氏古文而史公從之問故

漢書儒林

傳

故左氏古誼恆載于史記之中蓋均賈孔二子之緒言也或

謂史公之世公羊之學盛行而自序又引董生之語則史公所據之春秋當屬公羊然十二諸侯年表序云孔子明王道于七十餘君莫能用故西觀周室論史記舊文興于魯而次春秋上記隱下至哀之獲麟約其辭文去其煩重以制王法王道備人

事浹七十子之徒口受其傳指爲有所刺譏褒諱挹損之文詞不可以書見也魯君子左丘明懼弟子人人異端各安其意失其真故因孔子史記具論其語成左氏春秋是史公以左傳爲春秋敵傳也所謂因孔子史記者即孔子所論史記舊文蓋孔子據史記舊文而爲經丘明即存史記舊文以爲傳三代世表云孔子因史文次春秋正時月日蓋其詳哉孔子世家曰因史記作春秋上至隱公下迄哀公十四年十二公據魯親周故殷

非公羊家王魯新周故宋之說另有考

約其文詞而指博此均孔子因舊史作春

秋之證而左傳則係採集舊史而成蓋左氏以舊史之詳補春秋之約也此史公考訂左傳之詞又五帝本紀贊云予觀春秋國語其發明五帝德帝繫姓章矣顧弟弗深考其所表見皆不虛十二諸侯年表序云譜十二諸侯自共和訖孔子表見春秋國語學者所譏盛衰大指著于篇爲成學治古文者要刪焉吳

太伯世家贊云余讀春秋古文乃知中國之虞與荆蠻勾吳兄弟也以春秋爲古文明係古文經作左氏傳此史記采用左傳之確證漢書遷傳贊文曰司馬遷據左氏國語采世本戰國策述楚漢春秋接其後事訖于天漢是班氏明以史記據左傳也若史記之于公羊雖述董生之言然儒林傳董仲舒傳云廣川人治春秋又曰漢興至于五世之間惟董仲舒名爲明于春秋其傳公羊氏也是史公僅以公羊爲春秋別派不以春秋即公羊其曰名爲明于春秋者猶言世俗以爲明春秋疑蓋之詞溢于言表十二諸侯年表序云上大夫董仲舒推春秋義頗著文焉頗爲稍略之詞是史公以仲舒述春秋于義未盡安得謂史公說本仲舒又安得謂史公以公羊爲春秋哉故知史公作書折衷左氏丘明緒說賴以僅存西漢張賈而外說左之書莫古於史記予治左氏久因依傳文之序取史記述傳文者條比其

文排列衆說成司馬遷左傳義若干卷以正後儒說經之訛今將凡例列于後

一左傳記事記言間有文詞省約者史公引述傳文則增字以顯其義如成十年札雖不才願附于子臧吳太伯世家于子臧下增之義二字哀元年今吳不如過吳太伯世家于過下增之強二字襄二十九年政將在家吳太伯世家于家上增三字莊八年吾以汝爲夫人齊世家于夫人上增無知二字文十八年仲爲不道魯世家于仲上增襄字閔元年其必繁昌晉世家于其下增後字所增之字即係訓釋之詞與易比卦初爻象詞以比之初六有他吉也釋爻詞初六有他吉同例史公釋詞亦有用此例者又僖四年姬遂譖二公子曰皆知之晉世家作申生進藥胙二公子知之則知皆即二公子之即進藥胙矣昭二十五年臧氏執旃旃即臧會魯世家作囚季氏人蓋以會歸季氏

故以季氏人稱之所以釋傳文之旃也是亦增字爲訓之例若
閔元年夫率師專行謀誓軍旅君與國政之所圖也魯世家于
行謀下增也字蓋史公解傳以專行謀指率師而君與國政所
圖則指誓軍旅故增也字爲區別以示率師與誓軍旅對文而
專行謀與誓軍旅二語非平列之詞若此之流均宜證明史公
之例以證後儒句讀之訛

一史記引經如易書之屬均以訓故之字代本字其述左傳亦
然如昭十七年軒轅氏以雲紀故爲雲師爲雲名五帝本紀曰
官名皆以雲命爲雲師即以命釋紀兼以命釋名昭二十九年
帝賜之乘龍河漢各二夏本紀曰天降龍二有雌雄即以天釋
帝以降釋賜

降即古貢字
貢者賜也

以雌雄釋河漢

二有雌雄當作有二
雌雄二雌二雄爲四

即乘龍也

成八年通吳于上國吳太伯世家作吳於是始通于中國

即以中國釋上國襄二十八年慶封富于其舊吳太伯世家作

富于在齊即以在齊釋其舊襄二十九年如舊相識吳太伯世家作如舊交即以交字釋相識襄二十九年衛多君子未有患也衛世家作其國無故即以無故釋未有患僖十二年臣賤有司也齊世家作臣陪臣即以陪臣釋賤有司僖十七年因侍人貂齊世家作因宦者豎刁即以宦者釋侍人莊八年衣服禮秩如敵齊世家作秩服奉養比太子即以此太子釋如敵桓十七年壽子載其旌以先衛世家作白旄即以白旄釋旌襄十四年不釋皮冠衛世家作射服即以射服釋皮冠僖三十年爲東道主晉世家作爲東道交即以交釋主昭七年楚子成章華之臺魯世家作就章華臺即以就釋成此均以訓故之字代本字者也與五帝本紀以合和釋尙書協和者同例所謂易其文而存其義也彙而錄之可以存左傳之古訓若夫盈恆作滿啟恆作開或係諱漢帝之名至文十七年使帥甸攻而殺之宋世家作

衛伯蓋帥甸之官兼有衛伯之名哀六年彼皆偃蹇齊世家作大夫皆自危是偃蹇二字即屬自危之義均宜疏通證明者也

又秦本紀以百姓不親釋民不與吳太伯世家以欲自報其仇釋欲反其仇亦此例

一史記釋傳有既已易字爲訓復增字以顯其意者如僖十年失衆焉能殺秦本紀既以百姓訓衆以誅代殺而復申其義曰百姓苟不便何故能誅其大臣莊八年期戍公代不至齊世家既以一歲訓期而復申其義曰往戍一歲卒瓜時而公弗爲代莊九年子糾親也請君討之齊世家既以兄弟訓親以殺訓討而復申其義曰子糾兄弟不忍誅請魯自殺之僖六年後出同走罪也晉世家既以禍訓罪而復申其義曰重耳已在今往晉必移兵伐翟翟畏晉禍且及此皆易字爲訓復增字以顯其義者也其有與此例相近者復有數例有用其意而悉變其詞者如以即奴事之

宋世家

釋則如服也

僖二十三年

以秦侮我孤

晉世家

釋

秦不哀吾喪

僖三十一年

以說目而觀之

宋世家

釋目逆而送

桓元

此

一例也有增詞以足傳意者如昭元年鍼懼選于寡君將待嗣

君秦世家則曰秦公無道畏誅

釋以誅選

待其後世乃歸以無道及

乃歸二字足其意桓六年齊大非吾耦齊世家則曰鄭小齊大

非我敵

釋以敵耦

以鄭小二字足其意定四年五叔無官管蔡世家

則曰五叔皆就國無爲天子吏

天子吏即官

者以就國二字述無官

之故文三年晉人不出晉世家則曰晉恐不敢出遂城守以恐

及城守二義述不出之故此又一例也

又如秦本紀以夷吾不得于君釋其君是惡則

知惡之者爲秦君吳太伯世家以胥之父兄爲戮於楚釋是宗爲戮則知戮之者爲楚人此亦增字以足意之變例非僅以夷

吾釋其君以不得釋惡以子釋是以父兄釋宗已也有倒其文以顯其義者如僖三十二

年彼實構吾二君寡君若得而食之又曰使歸就戮于秦以逞

寡君之志秦本紀則曰繆公之怨此三人入於骨髓願令此三

人歸令我君得自快烹之蓋省節其語而以烹字詁上文之食

桓十八年惡于諸侯請以彭生除之魯世家則曰請誅彭生以除醜於諸侯蓋顛易其文而以醜字釋上文之惡此又一例也有增詞以擴傳意者如莊十一年孤實不敬宋世家曰寡人不能事鬼神政不修即推闡不敬之意者也昭二十九年昔者夏孔甲擾于其帝夏本紀則曰孔甲立好方鬼神事淫亂即推闡擾字之義者也蓋擾即煩瀆之義故與五帝本紀以不驕二語釋尙書允恭克讓者其例正同此別爲一例又左傳僖三十一年且有千里其誰不知蓋以知情之人必告鄭也秦本紀作庸知不有以我情告鄭者乎此亦推闡其誰不知之義者也達此數

例則史公詁傳之義明均宜詳加採錄以存左傳之故訓

一史記述傳有省約其詞易繁爲簡者有省字之例如以至于

堯文十刪以字五帝本紀吾子好直襄二十省好字吳太伯世家乃多與

之徒衛文七省徒字魯世家此省一字者也昭二十九年旣而復

求之懼而遷于魯縣夏世家作夏后使求懼而遷去僖二十八

年令無入僖負羈之宮而免其族曹叔世家作令軍無入釐負

羈之宗族閭此省數字者也又如襄三十一家居喪而不哀在

在戚而有喜色以在戚二字屬上句有省句之例如僖五年無

戎而城仇必保焉晉世家作邊城少寇宣十二年中軍下軍爭

舟舟中之指可掬晉世家作船中人指甚衆此約二語爲一語

者也又如僖十五年小人恥失其君而悼喪其親晉世家作失

君亡君宣二年賊民之主不忠棄君之命不信有一于此不如

死也晉世家作殺忠臣棄君命罪一也僖二十八年險阻艱難

備嘗之矣民之情僞盡知之矣晉世家作險阻盡知之此省數

語爲一語者也若五帝本紀記舜舉賢去凶則又節約文十八

年季文子之言擇其要者著于篇若是之屬雖較傳文爲簡然

訓故仍寓于其中如以甚衆釋可掬以忠臣釋民主以亡親釋

悼喪其君是也是宜隨文採錄不必以改傳爲疑

一左傳古文爲史公所親睹史記之中雖以訓故之字改古文亦有存古文而不改者而今本所傳左傳則字沿俗體失古文之眞故史記所存之古文可以正今本傳文之誤如吳太伯世家曲而不調調即屈襄二十九年字之古文如天之無不燾燾即幬

同字之古文鄭世家肉袒擊羊擊即牽宣十年字之古文而人名

地名史記尤多古字如高渠彌桓十七年作渠眯秦本紀百里奚作傒

秦本紀吳夷末昭十年作昧吳太伯世家掩餘昭二十年作蓋餘吳太伯世家卓

子莊二十年作悼子晉世家閻職文十年作庸職齊世家焚如文十年作焚

如魯世家射姑桓九年作夕姑曹叔世家蕩山成十年作唐山宋世家呂甥僖十年

年作呂省晉世家子期定四年作子綦楚世家欒盈襄二十一年作欒逞晉世家

家檀伯桓十五年作單伯鄭世家伯服僖二十四年作伯湄鄭世家蒯聵定十四年

作蕢聵仲尼弟子傳提彌明宣二年作示眯明晉世家西乞術僖三十年術

作秬晉世家楚君麇昭元年麇作員楚世家均人名之存古文者也又

左 倉 外 集 司馬遷左傳義序例 六